

Конда́к 1

Избра́нный Бо́гом на обра́щение Изра́иля от преле́сти Ваа́ловы, гро́зный обличи́телю царей законопресту́пных, просия́вый пла́менною ре́вностию по Бо́зе Вседержи́теле, свя́тостию жи́зни и чуде́сы, восхище́нный с плоти́ю твоёю на Небеса́ и преды́ти имейя́ Второ́му прише́ствию Христо́ву, похва́льная воспису́ем ти́, проро́че Бо́жий Или́е; ты́ же, я́ко имейя́ ве́лие дерзнове́ние ко Го́споду, от вся́ких на́с зол и обстоя́ний моли́твами твои́ми свобожда́й, благоче́стно тебе́ вопию́щих:

Ра́дуйся, Или́е, вели́кий проро́че, Втора́го прише́ствия Христо́ва сла́вный предте́че.

И́кос 1

А́нгел ре́вностию по Бо́зе и чи́стым жити́ем твои́м, сый во плоти́, проро́че, бы́л еси́: ещё́ бо младе́нцу ти́ бы́вшу оте́ц тво́й Сова́х ви́де све́тлыя А́нгелы, бесе́дующия с тобо́ю, огнём́ тя повива́ющия и пла́менем пита́ющия, е́же прозна́меноваше пла́менную ре́вность твою́ по Бо́зе, си́лу словес твои́х и жити́е, я́ко све́т, непо́рочное. Сего́ ра́ди со удивле́нием зове́м ти́ такова́я:

Ра́дуйся, от ве́чности предызбра́нный в служе́ние спасе́нию сыно́в Изра́илевых; ра́дуйся, от чре́ва ма́терня предугото́ванный в провозве́стника Боже́ственныя и́стины и благоче́стия.

Ра́дуйся, пресла́вным, бы́вшим на тебе́, ви́дением роди́теля твоего́ удиви́вый; ра́дуйся, де́вственную чистоту́ и безмо́лвие от ю́ности возлюб́ивый.

Ра́дуйся, суету́ ми́ра сего́ и вся́ блага́ его́ презре́вый, ду́шу же твою́ всеце́ло Го́споду посвят́ивый; ра́дуйся, све́том прему́дрости от Бо́га озаре́нный и уче́нием благоче́стия изде́тства напо́енный.

Ра́дуйся, Или́е, вели́кий проро́че, Втора́го прише́ствия Христо́ва сла́вный предте́че.

Конда́к 2

Ви́дя нече́стие и развра́щение во Изра́или, пресла́вный проро́-

че, зело́ дýхом твои́м скорбѣл еси́ и рѣвностию по сла́ве Бóжией воспламеня́лся еси́; я́ко сы́нове Изра́илевы мѣрзким ѱ́долом поклонѣ́шася, от Бóга же Ё́стиннаго отступѣ́ша, Емýже вся небѣ́сная во́инства со стра́хом вопи́ют: Аллилу́иа.

Ё́кос 2

Ра́зум сво́й зло́ю во́лею омрачи́в, беззако́нный ца́рь изра́ильский Аха́ав, оста́ви Ё́стиннаго Бóга Вседержи́теля и поклоня́шеся мѣрзкому ѱ́долу Ва́алу, кúпно же и в ца́рстве сво́ем умно́жи идолопоклонѣ́ние и нече́стие. Ты́ же, проро́че, испо́лнен сýй ве́лия рѣвности по Бóзе, дерзнове́нно обличи́л еси́ ца́ря, возвести́в емý, я́ко в наказáние емý и ца́рства егó три́ лѣта и мѣсяц шѣ́сть не бýдет до́ждь, ни росá, и гла́д ве́лий бýдет по все́й землѣ́. Дивя́щеся ў́бо толи́цей рѣвности тво́ей по Бóзе и ве́лию дерзнове́нию, с лю́бовию зове́м ти́:

Ра́дуйся, небо́язненный проповѣ́днице ѱ́стины и кре́пкий поборни́че благоче́стия; ра́дуйся, рѣвностный нече́стия обличи́телю.

Ра́дуйся, к наказáнию нека́ющихся грѣшников долготерпели́ваго Бóга преклонѣ́вый; ра́дуйся, сло́вом твои́м не́бо заклю́чивый и плодоно́сную зѣ́млю непло́дну сотвори́вый.

Ра́дуйся, трилѣ́тний гла́д за нече́стие люде́й от Го́спода испро́сивый; ра́дуйся, я́ко Всевы́шний Госпо́дь дарова́ тебе́ в Бóга Аха́аву, я́коже дре́вле Моисе́а фара́ону.

Ра́дуйся, Или́е, ве́ликий проро́че, Вто́раго прише́ствия Христо́ва сла́вный предте́че.

Конда́к 3

Си́лою моли́твы твое́я, предивный проро́че, вои́стину заклю́чѣ́ся не́бо и не одожди́ три́ лѣта и мѣсяц шѣ́сть, и бѣ́сть гла́д ве́лий по все́й землѣ́: да понѣ́ зно́ем и гла́дом томи́ми, нече́стивии лю́дие пока́ются и обратя́тся ко Го́споду, со уми́лением зову́ще Емý: Аллилу́иа.

Ё́кос 3

Имѣя вѣлие благоволеніе к тебѣ, пророче, Господь восхотѣ отлучити тя от беззаконныхъ сыновъ Израіля, да не с ними терпиши глѣд и жажду, и повелѣ тебѣ ити к потоку Хорѣфову, идеже вранове питаху тя, приносяще хлѣб и мясо. Тѣмже приносим тебѣ похвальная сия:

Радуйся, постомъ и бденіемъ вся земная и суетная помышления истребивый; радуйся, молитвою и богомыслиемъ умъ твой въ горня вперивый.

Радуйся, патриарховъ величание и пророковъ красотѣ; радуйся, дѣвственниковъ похвалѣ и преподобныхъ славо.

Радуйся, святителейъ наставниче и мучениковъ крепосте; радуйся, яко нечестіемъ и неверіемъ ослепленныхъ сыновъ Израілевыхъ на путь истины обратилъ еси.

Радуйся, Илиѣ, великій пророче, Второго пришествія Христова славный предтече.

Кондакъ 4

Буря вѣлия, разрушающая горы, предыдѣше, егда приближалася къ тебѣ, пророче, въ Хоривѣ Господь, таже явился трус, и не въ трусе Господь, и по трусе огонь, и не во огнь Господь, а по огнь бысть гласъ хлада тонка, и ту явился тебѣ Господь, Егоже присутствие ощутивъ, покрылъ еси лице твоѣ милотію, со страхомъ и радостію зовый Ему: Аллилуіа.

Икос 4

Слышавъ нечестивый царь Ахаавъ повелѣніе твоѣ, о еже обрати вся колѣна Израілева на гору Кармільскую, и привести на ту студныя пророки Вааловы, абие пославъ, собравъ вся, и самъ прииде тамо. Ты же, ревнителю славы Божія, хотя конечно посрамити мерзкія ідолы и прославити Истиннаго Бога, повелѣлъ еси уготовати двѣ жертвы, огня же на тѣя не вознещати, рекъ: «И будетъ Богъ, Иже аще послушаетъ огнемъ, Той есть Богъ». То слышавше вси людие, рѣша: «Добро глаголъ Илиинъ, егоже глагола да будетъ тако». Мы же,

величающе тя, зовём:

Рáдуйся, вели́кий послáнниче Царя́ Небéснаго и провозвéстниче святѣх велéний Егó; рáдуйся, адама́нте, неодоли́мый в ре́вно-сти и непоколеби́мый сто́лпе благоче́стия.

Рáдуйся, си́льный защи́тниче й́стины и твёрдый противобóрниче врагóв Бóжиих; рáдуйся, нечéстия искорени́телю и насади́телю благоче́стия.

Рáдуйся, пла́менный ревни́телю Божéственныя сла́вы; рáдуйся, я́ко и в послéдняя дни́ мíра ймаши проповéдовати Й́стиннаго Бóга и облича́ти ока́яннаго анти́христа.

Рáдуйся, Или́е, вели́кий проро́че, Вторáго пришéствия Христо́ва сла́вный предте́че.

Конда́к 5

Боготéчную тя звезду́ погаси́ти мня́ше беззако́нная цари́ца Иезаве́ль: испо́лнившись бо на тя я́рости за погубле́ние стúдных ея́ проро́ков, хотя́ше уби́ти тя. Ожесточи́ся бо се́рдце ея́ и не хотя́ше ве́ровати чудесе́м твои́м, проро́че, и позна́ти Й́стиннаго Бóга, пою́щи Ему́: Аллилу́иа.

Й́кос 5

Ви́девше всѣ́ лю́дие Изра́илевы, по моли́тве твоёй, о́гнь от Го́спода с Небесé сше́дый на же́ртву твою́, всехва́льне проро́че, и всю́ ю́ пожéгший, дрова́ же, и ка́мень, и пе́рсть, и во́ду потреби́вый, падо́ша на ли́ца своя́, взыва́юще: «Вой́стину Госпо́дь Бóг, То́й е́сть Бóг». И ве́роваша лю́дие Бóгови, стúдныя же проро́ки ты́ заклáл еси́. Сла́вляще ўбо Всеси́льнаго чудодéющаго Бóга, тебе́, уго́днику Егó, глаго́лем си́це:

Рáдуйся, превéлие дерзнове́ние ко Влады́це вся́ческих стяжа́вый; рáдуйся, зна́мении и чудесы́ Божéственную Й́стину утверди́вый.

Рáдуйся, преле́сть де́монскую посрами́вый, й́стинную же ве́ру просла́вивый; рáдуйся, неве́рныя й́стинным боговéдением просве-

тѣвѣй.

Рáдуйся, трикрáтным лия́нием на жéртвенник воды́ та́йну Пресвяты́я Тро́ицы явѣ́вый; рáдуйся, я́ко всё естество́ сущих тебѣ повиновáся, о́гнь же и вода́ тебѣ служáху.

Рáдуйся, Или́е, вели́кий проро́че, Вторáго пришéствия Христо́ва сла́вный предте́че.

Конда́к 6

Проповѣ́дник ѣ́стиннаго боговѣ́дения и благоче́стия явѣ́лся еси́, проро́че, не то́кмо во Изра́или, но и в странѣ́ язы́честей, по́слан бѣ́в от Го́спода в Сарéпту Сидо́нскую к женѣ́ вдови́це препита́тися, па́че же да саму́ ту препита́еши в гла́де: имѣ́я бо ве́лию чудотворѣ́ния благода́ть, умно́жил еси́ муку́ и елѣ́й в до́мѣ ея́ неоску́дно, до́ндеже прѣ́йде гла́дное вре́мя, и трикрáтным дунове́нием, по моли́тве твоѣ́й, воскресѣ́л еси́ умерша́го сы́на ея́, поя́ чудодѣ́ющему Бо́гу: Аллилу́иа.

Ї́кос 6

Воссия́в ве́лиею ре́вностию по Бо́зе Вседержи́теле, зело́ скорбѣ́л еси́, проро́че, я́ко оста́виша заветъ́ Его́ сы́нове Изра́илевы, олтари́ Его́ раскопа́ша и проро́ки избѣ́иша. Госпо́дь же во утешѣ́ние твоѣ́ возвести́ тебѣ́, я́ко не ве́сь Изра́иль отступи́ от Него́, но ѣ́мать се́дмь ты́сящ сокровѣ́нных рабо́в Свои́х, ѣ́же не преклони́ша колѣ́на своя́ Ваалу́. Те́мже, воспомина́юще ре́вность твою́ по Бо́зе, поѣ́м ти́ со благоговѣ́нием сицевáя:

Рáдуйся, ве́рный служи́телю и бли́жний дру́же Госпо́день; рáдуйся, о́бразе и похвало́ благочестѣ́вых па́стырей.

Рáдуйся, наста́вниче спасѣ́ния и просвещѣ́ние во тмѣ́ сидя́щих; рáдуйся, защи́тником ѣ́стины му́жество внуша́й, в по́двизех же и страда́ниях за пра́вду ѣ́х укрепля́й.

Рáдуйся, я́ко серафѣ́мскою пла́менною любóвию к Бо́гу горѣ́л еси́; рáдуйся, я́ко и Госпо́дь во всѣ́м послу́шаше тебѣ́ и по прошѣ́нию тво́емѣ́ вся творя́ше.

Рáдуйся, Или́е, вели́кий проро́че, Вто́раго прише́ствия Христо́-
ва сла́вный предте́че.

Конда́к 7

Хотя́ Человеколю́бец Госпо́дь яви́ти милосе́рдие Своё ка́ющимся
gréшником, по преше́ствии прорече́ннаго гла́днаго вре́мене,
низпосла́ по моли́тве твоёй, проро́че, и глаго́лом у́ст твои́х, на
жа́ждущую зе́млю оби́льный и ми́рный до́ждь: сы́нове же Изра́и-
левы, сподо́бльшиися толи́кия ми́лости, во умиле́нии се́рдца
благодáрственно возопи́ша Бо́гу: Аллилу́иа.

Їкос 7

Но́вое нечестивый ца́рь Аха́ав к беззакони́ем своим приложи́
злодея́ние, егда́ повеле́ уби́ти непови́ннаго Навуфе́я и восхи́ти
виногра́д его́. Сего́ ра́ди, облича́я законопресту́пнаго ца́ря, прорекл
еси́ ему́, проро́че, я́ко иде́же умерщвлён бы́сть Навуфе́й, та́мо и его́
кро́вь свини́й и пси́ поли́жут, и жену́ его́ Иезаве́ль снеда́т пси́, и
весь до́м его́ истреби́тся. Ве́дуще у́бо мы́ сбыв́шееся стра́шное си́е
прорече́ние, ужаса́емся, зову́ще:

Рáдуйся, оби́дящих и жестокосе́рдых гро́зный отмсти́телю; ра́-
дуйся, си́рых и напáствуемых кре́пкий засту́пниче.

Рáдуйся, не почита́ющих святы́х пра́здников Правосла́вныя
Це́ркве кара́телю; ра́дуйся, продёрзых ху́льников Ё́мене Бо́жия
низложите́лю.

Рáдуйся, сло́вом обличе́ния, я́ко гро́мом, беззаконны́я по-
ража́яй; ра́дуйся, бу́дущая, я́ко настоя́щая, ве́дый и да́льняя, я́ко
близ су́щая, прорица́яй.

Рáдуйся, Или́е, вели́кий проро́че, Вто́раго прише́ствия Христо́-
ва сла́вный предте́че.

Конда́к 8

Стра́нное и преесте́ственное показа́ Госпо́дь о тебе́, проро́че,
промы́шление, егда́ повеле́ алчным и нечадолюби́вым вра́ном пи-
та́ти тя в гла́де при пото́це Хора́фове, иде́же непреста́нно пребы-

в́ая в моли́тве и богомы́слии, воспева́л еси́ Бо́гу: Аллилу́иа.

Їкос 8

Весь́ был еси́ смире́нием ве́лиим укра́шен, проро́че Бо́жий, сего́ ра́ди с го́рдостию прише́дших к тебе́ дв́ух пѣтдесятонача́льников с во́ины, да приве́дут тебе́ к беззако́нному царю́ Охозі́и, огнемъ попа́лил еси́, со смире́нием же прише́дшаго к тебе́ Авді́я, ѿже пита́ше ученики́ проро́ческия, поми́ловал еси́. Сего́ ра́ди прино́сим ти́ похва́льныя пѣсни сия́:

Ра́дуйся, го́рдых смири́телю и кара́телю, смире́нных же по́крове и засту́пниче; ра́дуйся, мздоимныхъ судей́ наказа́телю, пра́во же судя́щим помо́щниче.

Ра́дуйся, правове́рному во́инству во бра́нех спобо́рниче, нече́стивыхъ же супоста́т низложі́телю; ра́дуйся, премудро́стию, ꙗ́ко бронёю, облече́нный и пра́вдою, ꙗ́ко щито́м, огражде́нный.

Ра́дуйся, ре́вностию по Бо́зе ꙗ́ко мече́м воору́женный и постомъ, ꙗ́ко крила́ми, окриле́нный; ра́дуйся, ве́рою, ꙗ́ко шлёмомъ спасе́ния, покрове́нный и любóвию, ꙗ́ко венце́м пресвѣ́тлым, венча́нный.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Конда́к 9

Вся́кое челове́ческое естество́ зело́ удиви́ается, ка́ко ты́, пречу́дный проро́че, ше́л еси́ четы́редесѣть днѣй, ни яды́й, ни пия́й, до го́ры Хори́ва, иде́же сподо́бился еси́ пресла́внаго явле́ния и пресла́дкаго бесе́ды Го́спода Вседержі́теля, поѧ́ Ему́: Аллилу́иа.

Їкос 9

Вети́я многовещáнныя недоуме́ют дово́льно разу́мети и изъясни́ти, ка́ко ты́, великоимени́те Или́е, во плóти съ́й челове́честей и подобостра́стен на́м бѣ́в, восхи́щен еси́ с те́лом твои́м на не́бо, явля́ющейся тебе́ колесни́цей о́гненной с ко́ни о́гненными. Сла́вяще у́бо просла́вляшаго тя́ Го́спода и дивя́щися восхи́щению твоemú, благоговейно́ зове́м ти́:

Рáдуйся, пречúдным воздержáнием вѣтхаго человѣка в себѣ умертвѣвый; рáдуйся, огнѣм Божѣственнымъ рѣвности всякое вѣщественное помышлѣние в себѣ попалѣвый.

Рáдуйся, преложѣнием твоѣм на Нѣбо рód человѣческий возвеселѣвый и жízнь вѣчную увѣривый; рáдуйся, чѣстию и слáвою преестѣственною от Бóга почтѣнный и пáче всѣх дрѣвних прорóков прослáвленный.

Рáдуйся, от áнгельских ликóв в селѣниях небѣсных рáдостно срѣтенный; рáдуйся, я́ко ѡмя твоѣ во всѣм мѣре почитáется, и рѣвность тво́я по Бóзе зело́ прославл́ается.

Рáдуйся, Или́е, вели́кий прорóче, Вторáго пришѣствия Христо́ва слáвный предтѣче.

Конда́к 10

Спасти́ хотя́ Всеблагѣй Бóг лю́ди Изра́илены от прѣлести Ваáловы, избра́ тя, вели́кий прорóче, во ору́дие во́ли Свое́й и облече́ тя Божѣственною вла́стию и сѣлою, да обрати́ши невѣрныя, исправи́ши беззакóнныя, просвети́ши омрачѣнныя и научи́ши всѣх вопѣти Бóгу: Аллилу́иа.

Ї́кос 10

Стенá и заступлѣние бúди нáм, пресв́яте прорóче, мóщным твоѣм ходáтайством утоля́я прáведный гнѣв Бóжий, поража́ющий нас, грѣшных и непотрѣбных, бездо́ждием и гла́дом, ещѣ же тлетво́рными вѣтры и болѣзньми, да избáвльшеся от бѣд, благодарственно поѣм тѣ:

Рáдуйся, моли́твами твоѣми нѣбо заключа́й и отверза́й, плодонóсие землѣи и неплóдие от Бóга посыла́й; рáдуйся, предста́тельством твоѣм пред Бóгом дождѣи мѣрны и рóсу животво́рную на земна́я прозябѣния низводя́й.

Рáдуйся, свирѣ́пыя во́лны морскѣя и стра́шныя бúри утиша́й и грома́ми и мо́лниями по во́ле Бóжией управля́й; рáдуйся, тлетво́рныя вѣтры и смертоно́сныя я́звы, поража́ющия челове́ки же и

скотѣ, укрощаяй.

Рáдуйся, сѣрых и вдовѣц питателю и щедродательных людей покровителю; рáдуйся, яко нечестивых хульников и гонителей правыя вѣры поражаеши и духов злѣбы от рабѣв Бѣжних прогоняеши.

Рáдуйся, Илие, великий пророче, Вторáго пришествия Христо́ва слáвный предтече.

Конда́к 11

Пѣние умиленное приими́ от нас, пророче Бѣжий Илие, якоже прия́л еси́ проше́ние Елисеево, егда́ проси́ от тебе́, да бу́дет ду́х, ѿже в тебе́, сугу́б в нём, и егда́, восхища́ясь на Не́бо, низпусти́л еси́ ему́ ми́лость твою́, ю́же онъ взѣм, раздели́, якоже и ты́ прѣжде, Иорда́нския во́ды, и бы́сть наслѣдник дѣйствовавши́я в тебе́ Бѣжия благода́ти: си́це и нас покрѣй ми́лотию твоея́ ми́лости от всяких бѣд и обстоя́ний, да со благодарѣ́нием зове́м Бо́гу: Аллилу́иа.

Ўкос 11

Светозáрное свети́ло во Изра́или, всехва́льне пророче, бы́л еси́, сия́я равноа́нгельным жити́ем твои́м и му́дростию, ещё́ же необы́чною ре́вностию по Бо́зе и чудесы́ пресла́вными, просвещáя лю́ди ѿстинным боговѣ́дением и разгоня́я мра́к идолослужѣ́ния. Те́мже восписѹ́ем ти́ похва́льная, пою́ще:

Рáдуйся, лучезáрная звездѣ́, сия́нием свои́м озари́вшая всю́ вселѣ́нную; рáдуйся, светонѣ́сная свещѣ́, непреста́нно горя́щая и во тме́ сѣдящих просвещáющая.

Рáдуйся, ду́хом прему́дрости и ра́зума озаре́нный, ду́хом сове́та и крѣ́пости испо́лненный; рáдуйся, ду́хом ве́дения и благоче́стия просвещѣ́нный и ду́хом стра́ха Бѣжия напоѣ́нный.

Рáдуйся, высѣ́кими добродѣ́телями и пресла́вными чудесы́ преукра́шенный; рáдуйся, яко́ суды́ Бѣжия на землѣ́ исполня́л еси́, проро́ки же и ца́ри пома́зывал еси́.

Рáдуйся, Илие, великий пророче, Вторáго пришествия Христо́-

ва сла́вный предте́че.

Конда́к 12

Благода́ть ве́лия дана́ ти́ бы́сть от Бо́га, прехва́льне проро́че, я́ко в земне́й жи́зни тво́ей проро́чествовал и соверша́л еси́ дивна́я чудеса́, та́же преесте́ственно восхище́н бы́л еси́ с плоти́ю тво́ею на не́бо: по восхище́нии же тво́ем дивно́ предста́л еси́ на Фаво́ре Преобра́зившемуся Го́споду и с ни́м бесе́довал еси́, и доднёсь не преста́еши чудоде́йствовать и источа́ти ми́лости и исцелёния усер́дно почита́ющим тя́, Бо́гу же ве́рно вопи́ющим: Аллилу́иа.

Ї́кос 12

Пою́ще твою́ пла́менную ре́вность по Бо́зе и равноа́нгельное жити́е, дивна́я же тво́я и пресла́вная чудеса́ и преве́лие благоволе́ние к тебё́ Го́спода, восхваля́ем тя́, великоиме́ните проро́че Или́е; о́баче не могу́ще досто́йно изобрази́ти вели́чие и сла́ву твою́, со умиле́нием зове́м ти́ сицева́я:

Ра́дуйся, ковче́же Божество́нныя сла́вы и всечестны́й хра́ме Пресвяты́я Тро́ицы; ра́дуйся, свети́льнице невече́рний церкве́й и благово́нный цвёте ра́я Божество́ннаго.

Ра́дуйся, благочесті́вых пусты́нников руководи́телю, де́вственников же наста́вниче и укрепле́ние; ра́дуйся, я́ко грешников к пока́нию возбужда́еши и все́му ро́ду христиа́нскому жи́знь ве́чную ходата́йствуеши.

Ра́дуйся, я́ко во све́лостех святы́х неизрече́нныя сла́вы наслажда́еши и непреста́нно Го́спода славосло́виши; ра́дуйся, я́ко в конце́ вре́мен ве́лия зна́мения и чудеса́ има́ши соверши́ти на утвержде́ние люде́й во и́стинней ве́ре и на обличе́ние анти́христа.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Конда́к 13

Опреде́вный и пресла́вный проро́че Бо́жий Или́е, преве́лий ревни́телю по Бо́зе, дожді́ и бездо́ждие, плодоносіе на зе́млю и

неплóдие от Бóга посыла́ай! Услы́ши сие́ ма́лое, благоговéйно приносíмое тебé нáми молéние и тво́йм тéплым ко Гóсподу предста́тельством сохрани́ нас от бездо́ждия, гла́да и смертоно́сных болéзней, пода́ждь же нáм благорастворéние возду́ха и плодонóсие, и дýх прáвыя вéры и благочéстия, да избáвльшися от вéчных мýк, сподóбимся райскаго блажéнства, пою́ще Бóгу: Аллилу́иа.

(Этот конда́к читается трижды)

Їкос 1

А́нгел ре́вностию по Бóзе и чýстым жити́ем тво́йм, сый во плóти, прорóче, был еси́: ещё́ бо младéнцу тй́ бýвшу отéц тво́й Сова́х ви́де свéтлыя А́нгелы, бесéдующия с тобо́ю, огнём т́я повивáющия и пла́менем пита́ющия, е́же прозна́меноваше пла́менную ре́вность твою́ по Бóзе, си́лу словéс тво́их и жити́е, я́ко свéт, непорóчное. Сего́ ра́ди со удивлéнием зовéм тй́ таковáя:

Ра́дуйся, от вéчности предызбрáнный в служéние спасéнию сынóв Изра́илевых; ра́дуйся, от чрэ́ва ма́терня предуготóванный в провозвéстника Божéственныхя́ йстины и благочéстия.

Ра́дуйся, преслáвным, бýвшим на тебé, видéнием родите́ля твоего́ удивíвый; ра́дуйся, дéвственную чистоту́ и безмо́лвие от ю́ности возлю́бый.

Ра́дуйся, суету́ ми́ра сего́ и вся́ блага́ его́ презрэ́вый, дýшу же твою́ всецéло Гóсподу посвятíвый; ра́дуйся, свéтом премýдрости от Бóга озарéнный и учéнием благочéстия издéтства напоéнный.

Ра́дуйся, Или́е, вели́кий прорóче, Вторáго пришéствия Христо́ва сла́вный предте́че.

Конда́к 1

Избрáнный Бóгом на обра́щение Изра́иля от прелести Ваáловы, грóзный обличíteлю царéй законопресту́пных, просия́вый пла́менною ре́вностию по Бóзе Вседержíteле, свýтостию жýзни и чуде́сы, восхищё́нный с плóтию твоёю на Небеса́ и преды́ти имéяй Вторóму пришéствию Христо́ву, похва́льная воспису́ем тй́, прорóче Бóжий Или́е; тй́ же, я́ко имéяй вéлие дерзновéние ко Гóсподу,

от всяких нас зол и обстояний молитвами твоими свободя́й, благоче́стно тебѣ вопи́ющих:

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

МОЛИ́ТВА

О прехва́льный и пречу́дный проро́че Бо́жий Или́е, просия́вый на землі равноа́нгельным жити́ем тво́им, пла́меннейшею ре́вно-
стию по Го́споде Бо́же Вседержи́теле, ещѣ же зна́мении и чудесы́ пресла́вными, та́же, по кра́йнему благоволе́нию к тебѣ Бо́жию, преесте́ственно восхище́нный на о́гненной колесни́це с плоти́ю тво́ею на Не́бо, сподо́бивыйся бесе́довати с Преобра́зившимся на Фаво́ре Спаси́телем ми́ра и ны́не в ра́йских селѣ́ниях вѣ́ну пребы-
ва́яй и предсто́яй Престо́лу Небе́снаго Царя́! Услы́ши нас, грѣ́шных и непотре́бных, в ча́с сей предсто́ящих пред свято́ю тво́ею ико́ною и усер́дно прибега́ющих к ходата́йству тво́ему. Моли́ о нас Члове́колю́бца Бо́га, да пода́ст нам ду́х пока́яния и сокруше́ния о гресѣ́х на́ших и всеси́льною Сво́ею благода́тию да помо́жет нам оста́вити путі́ нече́стия, приспѣва́ти же во вся́ком де́ле бла́зе, да укрепі́т нас в борьбе́ со страстьми́ и похотьми́ на́шими; да всади́т в се́рдце на́ше ду́х смире́ния и крото́сти, ду́х братолю́бия и незло́бия, ду́х терпе́ния и целому́дрія, ду́х ре́вности к Сла́ве Бо́жией и спасе́нию бли́жних. Упраздни́ молитвами тво́ими, проро́че, злы́я обы́чаи ми́ра, па́че же поги́бельный и тлетво́рный ду́х ве́ка сего́, заража́ющий христиа́нский ро́д неува́жением к Божѣ́ственной Правосла́вней ве́ре, к уста́вом Святы́я Це́ркве и к за́поведем Госпо́дним, непочте́нием к роди́телем и вла́стем предержа́щим и низверга́ющий люде́й в бе́здну нече́стия, развра́щения и поги́бели. Отврати́ от нас, пречу́дне проро́че, предста́тельством тво́им пра́ведный гне́в Бо́жий и изба́ви вся гра́ды и ве́си от бездо́ждия и гла́да, от стра́шных бу́рь и землетрясе́ний, от смертоно́сных я́зв и болѣ́зней, от наше́ствия враго́в и междоусо́бныя бра́ни. Испроси́, проро́че Бо́-

жий, от Гóспода пáстырем нáшим святу́ю рéвность по Бóзе, сердéчное попечéние о спасéнии пасóмых, мýдрость в учéнии и управлéнии, благочéстие и крéпость во искушéниях, судиям испроси́ нелицепри́ятие и безкоры́стие, правоту́ и сострадáние к обидимым, всём начáльствующим попечéние о подчинéнных, мýлость и правосúдие, подчинéнным же покóрность и послушáние ко властém и усérдное исполнéние своихъ обязáнностей; да, тáко в мýре и благочéстии пожíвше в сém вéце, сподóбимся причáстия вéчных блáг в Цáрствии Гóспода и Спáса нáшего Иисýса Христá, Емýже подобáет чéсть и поклонéние со Безначáльным Егó Отцém и Пресвятымъ Дýхом, во вéки векóв. Амíнь.

МОЛÍТВА ВО ВРÉМЯ БЕЗДÓЖДЯ

О вели́кий и преслáвный прорóче Бóжий Илиé, рéвности рáди твоея́ по слáве Гóспода Бóга Вседержíтеля не терпéвый зрéти идолослужéния и нечéстия сынóв Изрáилевых, обличáвый законопрестúпнаго царя́ Ахаáва и в наказáние тéх трилётний глáд на зéмлю Изрáилеву молíтвою твоéю от Гóспода испросíвый, да, отвéргше мёрзкия íдолы и отстúпльше от непра́вд и беззакóний, обратáтся ко Едíному Ёстинному Бóгу и исполнéнию святýх Егó за́поведей, вдовíцу Сарéптскую в глáде пречúдно препитáвый и сы́на ея́ умёрша молíтвою твоéю воскресíвый, по прошéствии же прона́речénнаго врéмене глáда, sóбранный на гóру Кармíльскую нарóд изрáильский в богоотстúпстве и нечéстии укорíвый, тáже óгнь молíтвою на жéртву твою́ с небесé испросíвый и чúдом сým Изрáиля ко Гóсподу обратíвый, стúдныя же прорóки Ваáловы посрамíвый и умертвíвый, по сíх же молíтвою пáки нéбо разрешíвый и обíльный дóждь на зéмлю испросíвый и лю́ди Изрáилевы возвеселíвый! К тебе́, предíвный угóднице Бóжий, усérдно прибега́ем, грéшнии и смирénнии, томíми бездóждем и знóем: исповéдуем, я́ко недостóйни есмý мýлости и благодея́ний Бóжиих, достóйни же пáче лю́тых прещéний гнéва Егó, скóрби же и нýжды

и всяких зѡл и болѣзней. Не бо ходѣхом в страсѣ Бѡжии и в путѣх заповедей Егѡ, но в похотех развращенных сердец наших и всякий вид грехѡ безчисленно сотворѣхом; беззаконїя наша превзыдоша главѹ нашу, и несмы достѡйни явитися пред лице Бѡжие и зрѣти на нѣбо. Исповѣдуем, яко и мы, якоже дрѣвний Израїль, отступѣхом от Господа Бѡга нашего, аще не верою, то беззаконїи нашими, и аще не покланяемся Ваалу и другим мерзким идолом, то раболѣпствуем страстѣм и похотѣм нашим, служаще идолу чревоугодїя и сластолюбїя, идолу корыстолюбїя и честолюбїя, идолу гордости и тщеславія, и вслѣд ходим богопротивным иноплемѣнным обычаем и погѣбельному дѹху времени. Исповѣдуем, яко сего ради заключѣся нѣбо и сотворѣся аки медяно, яко заключѣся сердце наше от милосердїя и истинныя любве ко ближнему; сего ради отверде земля и соделася неплодна, яко не приносим Господу нашему плодов добрых дел; сего ради несть дождя и росы, яко не имамы слез умиленїя и животворной росы Богомыслия; сего ради увядѣ всяк злакъ и трава сѣльная, яко изсше в нас всякое благое чувство; сего ради омрачѣся воздух, яко ум наш омрачѣся студными помышлѣньми и сердце наше осквернѣся беззаконными похотѣньми. Исповѣдуем, яко и тебѣ, пророче Бѡжий, просїти мы недостѡйни есмы. Ты бо, подобострастен бѣв нам человек, Ангелом в житїи твоѣм уподобился еси и, аки безплѡтный, на нѣбо восхищен еси, мы же студными помыслы и деяньми нашими безсловесным скотѡм уподобихомся и дѹшу нашу яко плѡть сотворѣхом. Ты постѡм и бдением удивѣл еси Ангелов и человеков, мы же, предающеся невоздержанїю и сластолюбїю, скотѡм несмысленным уподобляемся. Ты презельною ревностию о славе Бѡжией вѣну горѣл еси, мы же небрежем о славе нашего Творца и Господа и стыдїмся исповѣдывати достопокланяемое Имя Егѡ. Ты нечестїе и злыя обычаи искоренял еси, мы же рабствуем дѹху века сего, поставляюще богопротивныя обычаи мїра паче заповедей Бѡжих и

устáвов Святы́я Цѣркве. И кій грѣх и неправду не сотвори́хом мѣ, ока́янии? Исто́щихом беззако́ньми на́шими долготерпѣние Бо́жие. Тѣмже правосу́дный Госпо́дь прогнѣвася на нас и во гнѣве Своѣм наказá нас. Обáче веду́ще вѣлие дерзнове́ние твоѣ пред Го́сподем и надѣюще́ся на лю́бовь твою́ к роду челове́ческому, дерза́ем моли́ти тя, прехва́льне проро́че: ми́лостив бу́ди к на́м, недо́стѣйным и непотрѣ́бным. Умоли́ Великодарови́таго и Всеще́драго Бо́га, да не до конца́ прогнѣва́ется на ны́ и не погуби́т нас со беззако́ньми на́шими, но да низпо́слет на жа́ждущую и изсо́хшую зѣмлю до́ждь оби́льный и ми́рный, да да́рует ей плодонóсие и благо́растворе́ние возду́ха. Преклони́ де́йственным твои́м ходáтайством на ми́лость Царя́ Небѣснаго, áще не ра́ди нас, грѣшных и сквѣрных, но ра́ди избрáнных рабо́в Его́, не преклони́вших колѣна сво́я пред Ваáлом ми́ра сего́, ра́ди незло́бивых и несмы́сленных младе́нцев, ра́ди безсловѣ́сных ското́в и пти́ц небѣсных, стра́ждущих за на́ша беззаконія́ и истаева́ющих от гла́да, знѡ́я и жа́жды. Испроси́ на́м твои́ми благоприя́тными моли́твами от Го́спода ду́х пока́яния и сердѣ́чнаго умилѣ́ния, ду́х крѡтости и воздержáния, ду́х любве́ и терпѣ́ния, ду́х стра́ха Бо́жия и благоче́стия, да та́ко, возврати́вшеся от стезѣ́й нече́стия на пра́вый пу́ть добродѣтели, ходим во свѣ́те за́поведей Бо́жих и дости́гнем обетова́нных на́м благі́х, благоволе́нием Безнача́льнаго Бо́га Отца́, человеколю́бием Единоро́днаго Сы́на Его́ и благода́тию Всесвята́го Ду́ха, ны́не, и прі́сно, и во вѣ́ки веко́в. Ами́нь.

МОЛИТВА ТРЕТЬЯ

О святы́й проро́че Бо́жий Или́е, моли́ о нас Человеколю́бца Бо́га, да пода́ст нам, раба́м Бо́жиим (имена), дух пока́яния и сокруше́ния о гресѣ́х на́ших, и всеси́льною Своѣю благода́тию да помо́жет нам пу́ти нече́стия оста́вити, преспева́ти же во вся́ком де́ле бла́зе, и в борьбе́ со страстьми́ и похотьми́ на́шими да укрепи́т нас; да всади́т в сердца́ на́ша дух смире́ния и крѡтости, дух братолу́бия и

незлѡбія, дух терпѣнія и целомудрія, дух рѣвности ко славе Бѡ-
жией и о спасѣнии своѣм и бліжних дѡброе попечѣніе. Отвраті
от нас предстательством твоѣм прѡведный гнев Бѡжій, да тако в
мїре и благочестіи пожївше в сем вѣце, сподѡбимся причастія
вѣчных благ во Цѡрствіи Гѡспода и Спаса нѡшего Иисуса Христа,
Емуже подобает честь и поклонѣніе, со Безначальным Егѡ Отцѣм
и Пресвятым Духом, во вѣки веков. Амїнь.

ТРОПАРЬ, ГЛАС 4:

Во плѡти Ангел,/ прорѡков основаніе,/ вторый Предтеча при-
шествія Христова Илія славы, / свѣше пославый Елисѣеви
благодать, / недуги отгоняти / и прокаженныя очищать, // тѣмже и
почитающим егѡ точит исцелѣнія.

КОНДАК, ГЛАС 2:

Прорѡче и провїдче великих дел Бѡга нѡшего, / Илиѣ велико-
именїте, / вещаніем твоѣм устѡвивый водотѡчныя ѡблаки, // моли
о нас единаго Человеколѡбца.

ВЕЛИЧАНИЕ

Величаем тя, / святыи славы прорѡче Бѡжій Илиѣ, / и чтим, е-
же на Небеса / на колеснице ѡгненной, // преславное восхождѣніе
твоѣ.

ИНО ВЕЛИЧАНИЕ

Величаем тя, / прорѡче Илиѣ славы, / и почитаем, еже на Небе-
са с плѡтию, // ѡгненное восхождѣніе твоѣ.

ИНО ВЕЛИЧАНИЕ

Величаем тя, / прорѡче и предтече пришествія Господня, Илиѣ
славы, / и чтим, еже на Небеса с плѡтию, // ѡгненное восхожде-
ніе твоѣ.